

新

方

言

新方言

章氏

釋親屬第三

廣雅翁公安爸爸爹父也今通謂父爲爸古無輕脣魚模轉麻故父爲爸或謂之爹惠潮嘉應之客籍謂父爲安音如宿或書作叔非也世無以叔呼父者公稱今多移於王父曹州無賴相呼爲老爹依曹憲止奢反

說文媼母老稱也從女昷聲讀若奧廣雅媼母也山西平陽呼祖母曰媼媼音小變作尼到切又廣雅嬭母也今多謂祖母爲嬭嬭或以稱母

說文蜀人謂母曰姐今山西汾州謂母爲姐湖南別謂祖母爲唉姐

廣雅馳母也與姐分言玉篇云姐古文作馳曹憲亦同音子幾
子倚二反案馳從也聲似不當與姐同字今淮西蘄州別謂母
爲馳音如馳與也聲合

方言南楚瀑涯之閒謂婦妣曰母娣稱婦考曰父娣郭璞音多
曹憲又音多可反案娣說文本訓美女音尺氏切其爲婦妣婦
考之稱與爹爹姐社同字廣雅爹爹竝訓父曹憲音爹爲大可
反廣韵兼入麻部音陟邪切曹憲音爹爲止奢反說文云蜀人
謂母曰姐淮南謂之社尋淮南說山訓云社何愛速死高誘注
江淮謂母爲社雒家謂公爲阿社然則呼母爲社即與姐同呼
公爲社即與爹娣同皆今韵麻部字其紐微有清濁弁侈然古
人不甚分也娣從多聲正與爹同婦考爲娣娣即爹爹社也婦

妣爲娣娣即姐社也廣韵四十禡陟駕切下有妣字訓美女即

說文娣字之訓又多聲字如哆爹膠廣韵皆在陟駕切下故知

娣可讀陟駕切

由郭曹二音舌頭轉舌上

爹切陟邪娣切陟駕平去之異耳

今人謂婦考曰丈人義已無稽

丈人本長老之稱漢書匈奴傳且親侯單于自謂我兒子安敢

望漢天子漢天子我丈人行師古但云丈人尊老之稱且親侯未娶漢女其非婦考明甚直以己新嗣位漢武已老故尊言丈

人耳樂府婦病行曰婦病連年累歲傳呼丈人前一言當言謂未及得言此則婦人稱其尊者爲丈人也亦不涉於婦考

婦妣曰丈母名實乖謬

丈本丈夫不應以稱女子顏氏家訓風操篇中外丈人之婦猥俗呼爲丈母稱

爲猥俗其謬可知

原其言丈本是音譌山西猶稱婦考曰娣人婦妣曰

娣母音正作陟駕切蓋里巷殊言猶存故訓文士皮傳一箸紙

筆音義便差此類實多無足深怪

娣既同社故爲母稱山西平陽謂叔母曰娣娣音多駕切

多可之轉

謂父曰爹亦同此音陝西西安呼父亦爾

幽侵對轉舅姁雙聲故山東謂舅妻爲姁

本火占切今渠甚切

叔審雙聲

故通語謂叔母爲嫗此雖鄙言俗字然音均不相越也

詩國風傳良人美室也漢時後宮有良人此男子謂婦爲良人也士昏禮媵杜良席在東孟子離婁篇良人者所仰望而終身也此女子謂夫爲良及良人也婦爲良人故字變作娘今謂處女爲姑娘夫爲良及良人故相承用郎今謂幼男爲郎然良又爲尊稱少儀負良綏注良綏君綏也左傳戎帥稱大良少良此皆郎字

廣雅郎君也即少儀之良

秦漢天子侍從稱郎亦本良人呂氏春秋

序意良人請問十二紀是也良人即良家子所居曰郎門郎屋

今湖南亦稱營壘爲良子以良家子起爲士卒所居也

故晉宋至唐郎爲尊稱今閩廣乃

以郎爲賤稱則以聲近獠故無關本義郎爲男子尊稱故娘亦爲女子尊稱今人稱母爲娘是也廣韵娘訓爲母娘訓少女特承唐人假借臆書之習其實娘借爲娘今江寧呼母猶作良音此爲得語抵矣娘字說文本訓煩擾與𡙇訓亂同義廣韵娘字亦有訓亂又訓肥大與腹訓肥同義皆不訓母古無娘字故或借娘爲良今人皆云書娘爲正斯失之矣

爾雅男子先生爲兄詩用兄字即今況字兄況古音同殺玉裁曰今人呼兄爲況老乃古語也朱駿聲說杭州呼兄爲阿況亦曰況老章炳麟案徽州黟縣稱兄爲況漢

說文周人謂兄曰𡙇古魂切經典相承用昆爲之見紐雙聲相轉今稱兄爲哥或云晉書吐谷渾傳鮮卑謂兄爲阿干干轉爲

哥此實夷語非也今紹興猶謂兄爲昆正與哥聲相轉詳夫親屬相呼本於嬰兒初語其聲不過ㄣㄣ二者而已呼父曰考語本於ㄣ呼保母曰阿亦曰可者字變爲娵語本於ㄣ呼兄曰哥語亦本ㄣ可阿哥皆得聲於ㄣ或古語流傳如是也至鮮卑言阿干契丹謂皇子爲哥兒滿州謂皇子爲阿哥此如中國呼爸語由父轉然今四裔亦多謂所生爲爸夷貉之子生而同聲固莫能相外也

釋名長婦少婦或曰先後史記封禪書見神於先後宛若今山西大原以南兄弟婦稱先後

曲禮大夫曰孺人字轉作孀廣雅妻謂之孀

廣韵孀訓妻名有孀人朱相俞二切人

朱爲本音轉如乃

古無日母故今孀音轉在泥母

今人尊稱婦人曰孀孀與孀又異字

說文孀下妻也廣州謂妾曰孀音亦如乃

說文母牧也引伸老嫗皆稱母字變作媼說文媼女師也讀若母媼變爲媼廣韵媼老女稱武耐切紹興謂女師爲老媼

漢書高帝紀常從王媼武負黃酒如淳曰俗謂老大母爲阿負古無輕辱負音如倍音轉作婆廣韵婆老女稱也婦負同聲婦轉亦爲婆故今謂妻爲老婆

或謂婆本媼之聲轉則無解於稱妻也

說文妣婦官也漢有鉤弋夫人弋即妣字春秋妣氏公羊經皆作弋則妣即妣姓之妣漢亦謂妻爲姬蓋貴者後宮取備百姓故弋姬皆爲妾稱漢書文帝紀母曰薄姬如淳曰姬音怡眾妻之總稱妣轉平聲亦爲怡今人謂妻曰姬娘音正如怡世皆誤作姨姨爲妻之姊妹非姬妾字也

幽風鬻子之閔斯傳鬻稚也邶風昔育恐育鞠箋云育稚也廣雅毓穉也鬻育毓同字今江浙或謂兒爲育育音侈如忸順天開封音轉如紐

方言崽者子也郭璞音宰今通謂子爲崽成都安慶罵人則冠以崽字成都音如哉安慶音如簪

爾雅艾育養也育既訓稚故艾養亦訓稚幼艾少艾皆謂稚也稚亦曰養福州稱小子爲養古言養卒言竈下養今亦謂養爲

小子矣

凡器物語末加兒字子字者福州皆加養字

說文媿娶媿也釋名人始生曰嬰兒或曰娶媿山東謂幼女爲媿子亦以稱婢兒媿孺古皆在泥紐音轉爲怒治要引桓子新論哀帝時待詔伍客言漢朝當生勇怒子帝爲怒子非所宜言

今揚越愛憐其兒皆稱為怒又轉為麋說文麋鹿麋也奴亂切

江南浙江亦謂小兒為麋

婢蒼髻也

文選楊仲武誄注引

李善曰髻與髻古字通大聊切

七命案

毛詩傳云髻者髮至眉子事父母之飾故未冠通曰髻校官碑

髻髻克敏揚仲武誄曾未髻髻七命玄髻巷歌是也今浙江紹

興謂十五六歲童子為髻人杭州云髻牙音皆如韶凡云韶年

者竝髻髻之借也

今小兒翦髮為髻名曰髻子音如鞠俗書挑子蓋髻形亦似挑以聲為訓義亦得兩通也

說文妣少女也埽下切今人謂處女為小妣讀如姐以姐為之

姐為母稱非也

方言臧而侮獲奴婢賤稱也侮嫖雙聲相轉

古侮音如母

亦轉如蠻

四川謂婢曰蠻其氣買攜養之童豎曰蠻男蠻即侮之音轉山

絲下也繭滓絰頭引伸爲凡相贅屬之稱怛餘音也蠻亦侮字

說文俾一曰門侍人案在男曰俾猶在女曰婢浙東或謂僕爲

俾頭或曰俾子猶在女曰婢子矣俾音近鼻因以生義非也俾

亦使也廣雅廝徒牧圉侍御僕從扈養保傭童役皆訓使雙聲

轉變俾亦作辯書序王俾榮伯作賄肅慎之命馬本俾作辯廣

雅辯使也凡汗謬等字亦音轉辯通作班史記五帝本紀述堯典辯于羣神楊雄大常策光武封泰山刻

石皆作班于羣神是其證也淮南謂役使曰班子在男曰男班子在女曰女

班子自餘多言跟班皆辯字也班亦美也說文美賦事也布還

切美與僕同從美是故僕亦曰美美俾聲又相轉若說文云頒

一曰鬢也孟子言頒白者皆借頒爲鬚說文鬚須髮半白也府移切地理志

卑水縣孟康音卑爲班矣

晉書樂志曰但歌四曲自漢世無弦節作伎最先唱一人唱三
人和賈子匈奴篇曰上使樂府幸假之但樂吹簫鼓鞀倒挈面
者更迭但樂亦即但歌但歌不被管弦引伸之能但歌者即謂
之但淮南說林訓使但吹竽注但古不知吹人以徒歌故云不
知吹王念孫欲改但爲但近人又欲依文子改但爲倡改爲但
者固非文子書亦後出以不解淮南但字之義臆改作倡
不足據也今傳奇有云旦者起自元曲其始祇有正生正旦即所謂
作伎最先唱者本是但字直稱其人爲但猶云使但吹竽矣古
語流傳訛元猶在相承至今其他淨丑諸名元初無有事既後
起其語亦不根矣

說文嫪嫪也郎到切嫪嫪也胡誤切秦有淫人曰嫪毒今江南

運河而東謂淫人爲嫫嫫音如固老安徽謂其所私亦云

新方言三

吳興沈維伯校

新方言

章氏叢書之一

釋形體第四

說文頰額也蘇朗切西安謂頭曰頰開口呼之如沙此以小名代大名也

說文囟頭會囟蓋也息進切今淮南吳越皆謂小兒囟蓋爲囟門

說文頤頤首骨也頤音徒谷切今山西謂頤曰頤頤頤音如百若毫音薄矣

說文莫頭傾也古屑切莫頭衰散莫態也胡結切今浙江謂頭戾爲莫音轉如健直隸山東謂頭衰爲莫音如拐淮南音烏拐切

考工記注頭髮皓落曰宣易說卦其於人也爲宣髮釋文黑白
襍爲宣髮淮南淮南吳越謂黑髮中有一二莖白者爲宣髮讀
如蒜北齊書慕容紹宗傳吾自年二十以還恆有蒜髮蒜者算
也已讀宣如蒜矣

釋名髡頭生創白痕如髡然也玉篇髡胡割切鬪也廣雅鬪鬪
竝訓傷鬪之言鬪也今自淮漢而南謂頭生創白痕蒙茸者曰
痢子與髡同義因而致秃亦曰痢子自河而北直言秃子

說文頰秃也苦骨切杭州謂頭上生癬蝨髮爲頰髮癬

說文頰頭頰長也五咸切引伸爲頰之稱釋名頰車或曰鼪車
借鼪爲之說曰鼪鼠之食積於頰人食似之故取名也釋名以
聲爲訓無嫌以鼠比人正名定字鼪當作頰古或借頰爲頰蕭

該漢書音義引字林曰頰陝面銳頤之貌也倉頡篇亦云頰北
斂反又吾檢反今人謂面曰頰俗作臉蓋頰之變也音良冉切
與斂斂歛慊慊同音蓋本專指面之陝長者其後通爲面稱
臉之本義廣韵臉臘羹屬也
力減切與訓面者不相涉所在稱臉惟福州呼爲面耳

說文哺頰也輔人頰車也釋名輔車或曰牙車或曰領車或曰
頰車或曰臙車今揚州安慶皆謂頰爲輔音如巴直隸山東浙
江江南江西湖北湖南皆謂口圍爲臙輔音如巴浙之杭州紹
興言臙輔音如匍又謂脣爲臙脣輔音亦如匍凡言胡下者通
謂之下輔讀如杷輔讀爲巴爲杷者古無輕脣輔讀如補今音
據此轉變魚模生麻遂爲巴杷等音若父爲爸匍爲爬傳爲巴
矣復有謂頰爲巴掌者則以輔音如巴攏頰名罷掌今亦音巴

相亂致誤

說文覲面見也或從旦作𠂔佗典切人面見處莫如雨頰故直隸謂頰爲臉𠂔子音如旦

說文欲蹠鼻也於糾切蹠即縮字今人謂面中宛爲欲臉

說文臣顙也篆文作𠂔今寧武朔平大同之閒猶稱下輔爲𠂔

福州音轉如哈呼來切𠂔古同部稱曰下𠂔安慶謂畱須爲畱下𠂔音

轉如海凡邊亦謂之𠂔字通作𠂔𠂔或作𠂔廣雅𠂔砌也顧命

夾兩階𠂔浙西謂堂廉曰階檐𠂔諸邊亦謂之𠂔音皆如哈𠂔聲

呂聲同

說文胡牛顙垂也史記封禪書曰有龍垂胡髯下迎黃帝又云抱其弓與胡髯乃稱髯爲胡髯矣今人謂須爲胡髯俗作鬚惠

潮嘉應之客籍音轉如姑謂須爲須胡此皆引伸義紹興謂喉曰胡隴乃近本義

五官謂之五根譯佛書語也惠潮嘉應之客籍謂耳爲耳根謂鼻爲鼻根根讀如公

說文耽耳大垂也瞻垂耳也耽音丁含切瞻音都甘切今人謂耳曰耳瞻音轉如朵耽瞻訓垂本由雙聲流轉古音垂如埤說文埤讀若朵朵訓樹木朶朶也故瞻得讀如朵其在韻部亦猶冉聲之那入歌類矣

說文耿耳箸頰也從耳炷省聲今天津德州謂批耳至頰爲打

耳卦子讀耿如卦正合炷聲

玉篇炷有口迴爲圭二切爲圭切爲本音口迴切者則圭佳耕清對

轉江南運河而東音轉如耳光光耿亦雙聲耕清陽厓之轉也

書言眈先杜林直訓取爲先皆其證福州音轉如耳美

說文睪目圉也讀若書卷之卷今人謂目圉曰眼睪音去玄切以圉爲之總語曰圓別語曰睪

說文眈目旁毛也子葉切字亦作眈今通謂目旁毛爲眼眈毛目瞬亦曰眈

說文眇一曰眇兜叱支切今人謂眼中凝汁爲眼眇讀如矢

說文眇目不正也讀若末目不正者凡短視必促目始見眇勞目無精也眇目

不明也眇蔑昧音義相近今蘇州謂短視爲蔑趣眼趣者促也

說文眇目病生翳也今謂目病生點曰眇音如星

說文督一曰目痛也覲目蔽垢也讀若兜督覲雙聲相轉目痛

必有眇翳也今浙西謂目眇生創曰覲鍼覲音如偷端透二鍼經相變

者謂刺痛也督從叔聲亦得音轉如偷若淑淑音佗候切矣
廣雅策口也今語多謂口爲策相承作觜俗作嘴山西平陽蒲
絳之閒別謂之咪說文咪鳥口也章俱切噉噉也陟救切咪噉
古實一字齒音舌上音小別耳古無舌上音噉亦從齒發聲史
記天官書柳爲鳥注注即咪字考工記以注鳴者注謂精列屬
注即噉字今音收如俱

天官鳥鵠色而沙鳴注沙嘶也嘶即嘶字漢書王莽傳大聲而
嘶師古曰嘶聲破也今通謂聲破爲沙喉隴

莊子庚桑楚篇兒子終日嗥而嗑不噉司馬彪曰楚人謂噉極
無聲曰噉今通謂不能言者爲噉噉極無聲亦曰噉通借啞字
爲之啞本訓笑易言笑言啞啞然史記刺客列傳已云吞炭爲

啞其假借久矣

釋名肺勃也言其氣勃鬱也今北方謂頸曰勃子匈曰匈勃子亦由其氣勃鬱故得是名矣俗字作膊

說文膊肩甲也脰亦下也上補各切下古洛切今謂臂曰臂膊或曰脰膊語稍異古然相引伸也

說文亦人之臂亦也俗作腋揚州謂臂裏脅間爲腋魄魄讀若霸爾雅孔魄閑也

說文亞醜也象人局背之形今人謂局腰爲呼腰呼即亞之古音秦碑以亞馳爲呼沱其證也直隸或言閒腰湖北則言訶腰竝即亞字凡亞聲語後多轉爲可聲如易云笑言啞啞廣雅轉爲歌歌嚶嚶呵呵等語是也長沙謂人醜劣無用者爲亞寶音

如聞籠口上氣呼之

聞音呼
雅反

方言凡以驢馬駝駝載物者謂之負佗佗今作馱此通語也負物必曲背故今謂僕者爲佗背爾雅鮐背壽也恐鮐背即佗背老人多僕以此狀之台它雙聲莊子德充符篇衛有惡人焉曰哀貽它蓋醜惡莫如局背故亞訓爲醜象局背形貽它者即局背之謂耳舊說鮐背背有鮐文甚誤

說文牛下云象角頭三封尾之形封謂肩甲故今人謂肩爲肩封音如邦

爾雅夸毗體柔也舍人曰卑身屈己也案夸者胛骨毗者齊也卑屈者必折腰故舉夸毗以表之埤蒼曰胛腰骨也口亞反切

經音義引今人謂腰骨爲腰胛

說文奚大腹也今人謂句腹閉大者為奚句呼如難句遂有難

句龜背之語其實當作奚句句背四川稱曲背為句背然言難龜者亦無

謬誤所以名難以奚句故所以名龜以句背故龜句音亦相近今龜聲之聞尚

讀如鉤可證此形聲相貫之理龜亦大腹故從奚聲與難同意

邾蓋陝西四川湖北江南浙江皆謂之蓋邾頭自淮南至山東

直隸或謂之構櫨頭說文構櫨即格爾雅栢謂之格李巡以為

斗拱釋名櫨在柱頭如都盧負屋之重也然則人脰如柱邾蓋

在上如斗拱以負兩髀之重故謂之構櫨頭淮南又稱邾蓋為

蓋枅頭說文枅屋櫨也廣雅構謂之枅曹憲音難今亦正作難

音此則在屋在人皆通名矣

說文夂行遲曳夂夂象人兩脰有所躑也楚危切夂夂即詩所

謂雄狐綏綏又變爲綏故兩脛之名亦由又變爲骸今人皆謂脛爲骸福州謂脛爲骸骸說文骸脛也脛後通謂之骸肚猶古人言腓腸矣

釋名蹠确也居足兩旁確确然也今人謂脛下骨隆起者爲孤蹠亦或稱剝爲孤蹠蹠之言舁也說文言舁象隆骨則足有隆骨處竝稱蹠亦無誤也孤蹠本雙聲孤借爲軀莊子養生主曰而況大軀乎釋文軀音孤向郭云軀矣大骨也

說文獸足謂之番從采田象其掌移以言人今謂腳掌曰腳番讀如板

說文奎兩髀之間莊子徐無鬼篇奎蹠曲隈天文奎宿史記律書以畫爲之今吳越皆謂兩髀閒爲奎裏音如畫

鳥喙切

與畏淵

宛彎一聲之轉

說文腓旁光也今人皆謂旁光爲腓

說文尻髀也或作髀今省爲髀山東北至天津皆謂尻曰髀兒音如定殿音之轉也釋名曰髀殿也高厚有殿還也

說文尻髀也從尸九聲今山西平陽蒲絳之間謂髀曰尻子四川亦謂髀爲尻子音稍侈如鉤九聲之轉也廣州或移以言陰器

施尾也後漢書鄧訓傳曰首施兩端施之言柁也釋名曰船其尾曰柁柁柁也施之言乾也說文乾馬尾乾也春秋魯公子尾字施父名字相應今山西寧武朔平大同之間謂髀曰柁子即施字也

傷寒論蜜煎導方豬膽汁方皆云納穀道中今廣信謂後竅曰

穀道道讀若暉

徒紺切

若導服作禪服矣

說文眉尻也詰利切今人移以言陰器天津謂之眉其餘多云
眉把把者言有柄可持也若尾云尾把矣眉讀平聲如稽儒行
注稽猶合也聲義通矣

爾雅白州驪郭璞曰州竅也北山經倫山有獸如麋其川在尾
上郭璞曰川竅也川即州之誤字亦作醜內則鼈去醜是也亦
轉爲涿三國志周羣傳先主嘲張裕多須云諸毛繞涿居乎廣
雅州豚皆訓爲臀此惟指後竅言之其實州涿本爲前竅先主
嘲裕之言正以陰器有毛繞之耳臀則無毛何繞之有詩大雅
昏椂靡共箋云椂椂毀陰者也

椂說文作毀云去陰之刑也

夫惟涿爲陰器

故毀陰曰殛猶去耳曰刵去鼻曰剕去體曰髡矣淮南精神訓
燭營指天注燭陰華也營其竅也涿燭古同聲則涿爲陰華明
甚說文涿流下滴也是故陰器受名于此猶八訓爲流而也字
從之以得聲義矣涿州本一音之轉故知州本陰器有時移以
言後竅爾今江南運河而東皆謂陰器爲涿舌上音從舌頭音
讀如督山西平陽澤潞蒲絳之閒皆謂陰器爲州齒音從舌頭
音讀丁流切讀州爲丁流切者所在有之江
西撫州人言齒州正作此音古音亦在舌頭楚
語日月會於龍虬賈侍中曰虬龍尾也玉篇作紀音丁角切則
如今呼涿廣韵虬音同門則如今呼州以州交亦曰州廣州謂
交會曰州也州讀丁流切也讀如閭龍口上气呼之也亞音相
近故廣東
呼此與湖南
呼亞寶同音燭營與屬同聲故江河之域謂以燭交爲屬說文

屬連也從尾蜀聲以尾相連正謂交尾本之欲切今旁連爲楚欲切皆齒音也

說文也女陰也羊者切荊州枝江謂女陰曰也巴也正作羊者

切今語也野治等多作合口惟此猶開口爲馬韻正音巴借爲魄左傳人生始化曰魄祭

義注耳目之聰明爲魄爾雅孔魄同訓閒故形體空竅曰魄魄

聲古同霸故今呼如巴矣廣州亦謂女陰曰也音如聞籠口上

氣呼之凡麻部字如車遽蛇社等今多籠口上氣呼之廣州呼也正同其例

說文牝畜母也毗忍切經典釋文引徐仙民牝作扶死反六朝

分輕脣重脣扶死即頻死也與匕聲合牝引伸爲陰器老子曰谷神不死是

謂玄牝今人謂女陰通曰牝從徐音作平聲呼如毗凡妃嬪毗皆取此聲

說文孟血也春秋傳曰士刲羊亦無孟也呼光切維西謂豬血曰豬孟子雞血曰雞孟子

說文乾獸豪也廣雅乾謂之豪則不別人獸矣曹憲音汗今直

隸陝西江浙廣東皆謂豪爲乾毛讀平聲福建音轉如軻毛

歌戈對轉故乾讀如軻考工記注等矢餘也又若干亦作若柯皆二部對轉之證

廣雅湏謂之乳今人謂乳爲嬾廣韵已有此訓曰紐歸泥紐也

說文馬絆馬也讀若輒或作繫從糸執聲陟立切引伸爲人足

繫春秋盜殺衛侯之兄繫左氏傳曰孟繫之足不良能行穀梁

作輒傳曰兩足不能相過衛謂之輒今通謂兩足不能相過爲

繫脚繫讀如墊都念切墊亦從執聲古無舌上知紐繫歸舌頭經

典釋文有丁立反轉去則音墊矣

廣雅腫曲脚也曹憲音古獲反荀子富國篇詘要撓腫今人謂曲脚爲腫音古賄反或音渠獲反音轉爲跣說文跣天寒足跣也其俱切

易大壯馬融曰壯傷也方言艸木刺人謂之壯郭璞曰壯傷也壯創聲近壯借爲創刀傷亦得名壯非獨艸木刺人矣今人謂鬚髮傷皮爲打壯淮南音側亮切江南浙江音側兩切廣韵三十六養

初兩切下又有刺字訓皮傷與壯略同

爾雅虹潰也郭璞曰謂潰敗紫水洚爲潰人訐爲讀其義一也浙西謂創瘍潰敗爲虹讀去聲創破結癰如甲直隸謂之痂查說文痂疥也查餘音也創四川謂之搔說文疥搔也後漢書烏桓傳手足之疥搔李賢音新到反凡創中寒而成者說文曰痂

中寒腫覈陟玉切浙江謂中寒腫覈爲凍瘡但皮膚甲錯無覈者埤蒼曰皴皮皴皴也一切經音義引唐韵音七倫切江浙皆謂天寒皮坼爲皴凡諸惡創說文曰瘍惡氣箸身也一曰蝕創莫駕切今廣東有惡創蝕骨肉者曰瘍風讀如麻腐爛之創說文曰微中久雨青黑通俗文凡物傷溼曰微一切經音義引今通語也爾雅肝瘍爲微微即微微傷溼生瘍也今人猶謂胯間生瘍曰微毒此創瘍之殊名也

新方言四

吳興沈維伯校

新方言

章氏叢書之一

釋宮第五

公羊隱二年傳婦人謂嫁曰歸嫁則有家引伸謂家爲歸春秋齊魯有歸父鄭蔡有歸生楚有仲歸皆字子家廣信謂家裏爲歸裏

說文霑屋水流也左傳三進及潘釋文潘屋霑也夏屋兩下水故今謂一院爲一潘江南浙江或曰一透他候切透亦潘也若櫛亦作撈矣

爾雅采廡謂之梁廡亦作霑釋名云室中央曰中霑古者窺穴後室之霑當今棟下直室之中古者霑下之處也淮西蘄州謂兩柱中閒曰霑音如畱案墨經云鑪閒虛也經說云鑪虛也者

兩木之閒謂其無木者也是則兩柱中閒空處正名爲竈竈與
雷亦一聲之轉借竈爲雷也

說文牆垣蔽也序東西牆也陽唐魚模同入對轉牆序本一語
而小別耳山西平陽言牆聲在牆序之閒轉入近鵠

毛詩國風傳曰掘閼容閼也今人謂牆竇空如規形可通人行
者曰閼門亦曰閼洞俗皆用月月亦規形語無大誤

爾雅北再成爲陶北釋名曰於高山上一重作之如陶竈然也
古之宮寢起於陶復陶穴故蘄州謂堂爲陶陶堂亦雙聲猶陶
唐矣

說文階陞也引伸爲凡陟除之稱平陽謂樓梯爲階臺轉入如
葛凡有所度者亦曰階臺此語譌也當爲閣臺閣音誤作葛耳

釋名楹亭也亭亭然孤立旁無所依也據此漢音楹本同事今人謂柱爲亭柱即楹柱也或書作庭非也柱不在庭若從說文庭訓宮中亦奢闢不專繫於柱也

說文闢樓上戶也徒盍切音轉字變作闢薛綜西京賦注宮中之門小者曰闢杭州謂短門曰闢兒門

爾雅植謂之傳傳謂之突郭璞曰戶持鎖植也見埤蒼音變傳作串機通俗文門鍵曰串串門串也

一切經音義引

機闢門機

廣韻

今惠潮嘉應之客籍謂門之橫闢爲串音如穿串本音貫而餘今多讀爲穿通曰機從廣韻作數還切

爾雅扶謂之闕郭璞曰謂門限也扶音切故漢書外戚傳曰切皆銅沓黃金塗以切爲扶也音轉如舊匡謬正俗言之今人言

門秩猶作門舊俗人不達乃以檻字爲之合口呼檻易與舊混開口呼者則愈遠矣檻爲闌楯之類何關於門限也

說文檠檠也淮南本經訓檠檠檠題近檐則檠易見故連言檠檐杭州謂檐爲檠檠

說文廷朝中也古者朝皆露立廷音轉爲唐爾雅廟中路謂之唐堂塗謂之陳如淳漢書注曰唐庭也

文選西都賦注引

庭者廷之借

字今人謂廷爲天井即廷之切音松江嘉興謂廷爲田心田即陳字古音陳田相同故說文云田陳也陳氏轉爲田氏此其證也又凡小巷通稱巷

讀如唐弄

說文𡩺竟也華乳作𡩺廣雅𡩺道也既夕禮曰唯君命止柩于𡩺今饒州廣信謂門前道曰𡩺堂塗亦曰𡩺

說文諺離別也周景王作雒陽諺臺字變作籒爾雅連謂之籒
郭璞曰堂樓閣邊小屋今呼之籒廚連觀也釋文籒丈知反凡
廚皆邊側小屋故平陽謂廚曰諺落諺讀如離諺離本疊韵通
假商聲之端廣雅從多聲
作苑亦其聲通之聲說文離訓離黃分離離別本以諺爲
正字古音無舌上澄紐則丈知反非古正音籒正讀離連謂之
籒連籒雙聲又寒歌對轉也

毛詩大雅傳曰伉高貌釋文本又作亢明堂位云崇坫康圭康
亦亢也置圭坫上曰亢今北方謂土牀曰亢亦謂其高可以亢
物耳或曰魏書儒林傳云游雅取陳奇所注論語孝經焚於炕
內又元字文懋昭金志云穿土爲牀繼火其下而寢食起居其
上又云家無大小皆坐炕上然炕本訓火乾非是物名故就其

內言則譯佛典者稱火坑不作火炕也就其上言則亦當云土
亢不應作土坑也要之在上曰亢在下曰坑就其義言曰炕
說文宛屈艸自覆也從宀死聲死轉臥也宛死竝於阮切音轉
字變作窩凡鳥巢曰窩亦謂之窠音義小異雞犬棲處亦曰窩此屈艸自
覆之義人臥處曰窩卷被覆蓐曰被窩此兼取轉臥之義

說文窰深也一曰窰突讀若導服之導段玉裁曰廣雅窰窰謂
之埃呂氏春秋云窰突洩則火上焚棟蓋窰上突起以出煙火
以其顛言謂之突以其中深曲通火言謂之窰以上段說今山西平
陽蒲絳澤潞汾之閒皆謂窰上曲突爲窰窰或曰煙窰竝讀如
導窰突亦雙聲也

廣雅窰謂之窰古借雅字爲之齊公孫窰字子雅浙西謂窰下

積薪處爲竈竈音如枯疑紐旁逆爲谿紐也郝懿行說登萊謂竈爲舛炷說文炷行竈也口迴切

說文槍𡵓也漢書楊雄傳曰木雍槍累以爲儲胥今浙西謂籬爲槍籬

夏官以旌爲左右和之門注軍門曰和吳語遷軍接餘亦此字也今淮南吳越謂醮祭以竿張布爲左右門曰和門和音如歡元寒歌戈對轉也案匡謬正俗云如淳漢書音義曰陳畱之俗言桓聲如和今猶謂之和表也說文云桓是亭郵表也據此和爲假借桓爲正字今謂和門爲歡門者是合於本音也

爾雅櫟謂之杙櫟者識也今揚州謂立木爲表曰木櫟子立石爲表曰石櫟子

說文楊楊桀也廣雅楊杙也平陽謂杙爲楊刺楊讀如葛刺餘音也

說文堪地突也今浙西謂於水瀕築石如臺爲石堪子堪讀去聲

爾雅雞棲於弋爲桀齊民要術云雞棲地爲籠籠內作棧此所謂雞棲於弋也今夔州通稱雞籠爲桀

喪大記君殯積至於上畢塗屋注積猶菽也江淮吳越皆謂橐葬爲積謂其屋爲積基

商人儲貨之屋謂之棧房棧借爲廛地官廛人注廛布者貨賄諸物邸舍之稅司關注征廛者貨賄之稅與所止邸舍也行旅所止之屋謂之客棧棧借爲傳廣雅傳舍也漢書王莽傳曰廚

傳勿舍

新方言五

吳興沈維伯校

新方言

章氏叢書之一

釋器第六

虞書懋遷有無化居今人謂什器曰傢伙尋說文家居也釋名火化也此皆以聲爲訓家與居同音火與化同音則傢伙即居化是化居二字倒易耳或稱什器爲貨者亦同此義

說文幣金幣所藏也地官英蕩杜子春云蕩當爲幣周成禡字云幣音蕩

一切經音義引

今北音蕩如的當之當故所在謂家財爲家

幣亦作當音

說文匱古器也呼骨切今人謂古器爲骨董相承已久其實骨即匱字董乃餘音凡術物等部字今多以東部字爲餘音如窟言窟籠其例也

詩小雅傳秉把也古以秉爲柄周禮地官藪人注鏡無舌有秉
執齊秉服虞曰秉權柄也古故今謂柄爲把柄或直言把凡有
字蓋有秉無柄秉把雙聲柄可持者多被此名

說文櫛篲當也古悔切字亦作箇釋名箇恢也恢廓覆髮上也

今浙江稱作帽木援爲頭箇軍人所戴頭蓋正應作箇其他木援謂之箇頭

音正如恢又優人所被假面通言面櫛讀古悔切假面亦篲當

也又櫛之言誠也莊子云槁項黃馘謂黃面也凡國聲字皆可讀古悔切山東

讀國誠皆古悔切自江而北或言櫛臉學者不得其字則書作鬼臉矣

篲當亦今通語凡有廓者多被此名

方言鉤宋楚陳魏之閒謂之鹿觔或謂之鉤格今揚州謂物之

虛縣而下垂者爲格郎即鉤格鹿觔二語之音轉

考工記牙得則無繫而固鄭司農云繫撥也蜀人言撥曰繫此
即楔也今人謂以木銜瓶曰煞子支牀几之跗曰煞脚即此撥
字或言當作塞非也填其內曰塞外內相銜曰撥所以撥謂之
櫟說文櫟楔也子林切

此說文舊音見一切經音義引

說文登斤斧穿也曲恭切方言矛斂謂之登郭璞曰音凶即矛
刃下口廣雅銃謂之登銃即登後出字凡金器穿孔者皆被此
名今言火銃亦其一矣

方言車釭謂之鍋或謂之鍬釋名鍬裏也裏軹頭也鍬即鍋字
廣雅輝束也輝鍬聲義通今人以繩束物曰捆以金束物曰鍬

俗作

箍桶亦其一矣

爾雅茅明也郭璞引左傳前茅慮無杜解云茅明也凡標識明

目者皆得云茅今語爲苗

士相見禮草茅古文作草苗今諸細人呼牙音亦如苗故茅通作苗

物爲全部耑兆及標準者皆謂之苗或云苗頭火銃之準名苗頭亦其一矣

春官小師注簫編小竹五經通義亦云簫編竹爲之編則有橫關故今凡有橫關謂之簫簫丁亦其一矣

說文藉祭藉也一曰艸不編狼藉凡在下承物者皆被此名鄧廷楨說淮北小兒臥處以布禦穢謂其布曰藉子亦其一矣爾雅樅謂之榑孫炎云斫木質或用以斬人加於樅上而斫之秦策云今臣之胸不足以當樅質要不足以待斧鉞是也今人謂切肉所藉木質爲樅板

說文黼黻屬或作釜酺秦名土釜曰酺今多謂釜爲酺相承以

鍋爲之惠潮嘉應之客籍謂之釜盧釜讀如浦古無輕唇音釜正讀浦盧餘音也一日說文云盧飯器也以柄爲之釜亦飯器故互受通稱矣

說文銚溫器也曹憲廣雅音云銚今人多作大弔反又說文鑣鑣斗也漢人皆作刀斗銚鑣本一字今淮南謂小釜爲銚子音正作大弔反

方言盥謂之盂或謂之銚銳盥謂之櫬案銚與櫬一語也今浙西沿海鄙人移以音甕謂小甕曰雕即銚櫬等字也

說文鍤釜大口者惠潮嘉應之客籍謂諸銅器可以煮物者曰鍤讀如包古音無輕唇復聲轉平如包矣

說文醢屬甑甑也湖南謂釜曰醢浙西鄙人謂小甕曰甑音

如壯

方言甑自關而東或謂之酢餠說文訓餠爲飯氣烝訓酢爲酸則酢即今醋字然驗今人以火乾物而無水者曰炸江浙人謂食物入釜微煮曰潘蓋甑名酢餠以甑烹物亦曰酢餠炸潘即酢餠矣鄧廷楨曰爾雅注烝之曰饋均之曰餠故今河南人烝麪爲餅再烝則謂之餠

方言閒栝也大者謂之閒郭璞音呼雅反今通謂大盆爲閒盆音轉如海紹興謂以大盆抒米曰閒音轉如哈呼來切

說文甕小栝也古送切今人謂栝如缸者爲甕音如扛或謂常盆爲甕音如工甕盆固非甚小特較閒盆則爲小耳

方言甌甌陳魏宋楚之閒謂之甌郭璞曰今河北人呼小盆爲

題子題杜啟反案今人稱盤小而庋者爲題轉入如狄遂譌作
碟唐貞元十三年濟瀆廟北海壇祭器碑有疊子五十隻盤子
五十隻宋史呂蒙正傳作碟疊標皆誤正字當作題若從聲音
假借可作狄敵不可作疊標也

說文罍備火長頸瓶也引伸之凡瓶皆曰罍惠潮嘉應之客籍
謂酒瓶爲酒罍子讀如央酒壺亦如之

漢書律歷志用銅方尺而圓其外旁有庇焉鄭氏曰庇音條桑
之條蓋凡中窰之器可以容物者皆謂之庇方言云鉶燕之東
北朝鮮冽水之閉謂之酈此田器中窰容物者謂之庇也說文
鉶爲溫器方言盥謂之鉶鉶此食器中窰容物者謂之庇也其
鏃斗刀斗諸名亦皆放其聲類竝以中窰容物得名今鉶之名

不專用於田器如炊時運置火炭者爲火鋏其斟藥斟羹之小匕亦謂之鋏實皆庖字也斟藥者漢人謂之刀圭即十分方寸匕之一刀即庖字圭者律歷志云不失圭撮孟康曰六十四黍爲圭是也今斟藥斟羹者多謂之鋏斟羹者或借瓢名惟江南運河而東至浙江福建數處謂之刀圭音如條耕讀刀如條正合庖音圭讀耕者支佳耕清同入對轉圭聲字多轉入耕清如圭田即頃田跬步作頃步炷讀如同從炷之字爲耿爾雅注以甕爲耿甕耿甕即說文所謂鼃甕也今音刀圭如條耕正符其例或說當爲調羹非也此以斟羹非以調羹人所盡知

說文匙匕也湖北謂斟食斟羹之匕曰匙

說文箸飯敔也今惠潮嘉應之客籍謂飯敔爲箸隻其餘通謂

之支讀若悛尋說文支分洩也今人以箸可分洩羹肉故謂之
支語亦甚古易稱作書契者取諸支今箸書之名即本於箸
述之簋又即饌字故箸亦取義於支日本飯敝以一竹上合下
分正象支字之土形

按陸容菽園禠記謂舟人諱箸爲悛幡布爲林布樂爲圓果苦爲堅笠然亦合於字

訓故爲
證明之

廣雅案謂之槁杭州謂食畢返盤之器爲盤槁讀如烏槁者藉
也

說文斂下平缶也讀若昂今浙西謂圓蓋下平者爲斂蓋

說文簋炊箕也箕漉米簋也簋音蘇后切今江浙皆謂漉米竹
器爲簋箕箕者說文云簸也漉米者必簸揚之故得箕名簋轉
讀如溘爾雅溘溘浙也釋文郭蘇刀反虞侯與宵有聲相轉若

乘聲之標讀如藪矣藪所以溚音訓亦相通也。

說文箱飯筥也今淮南謂飯筥為箱箕音如消箕當為六說文六訓薦物之六讀與箕同飯筥無取藪義不當作箕也

鄉飲酒禮羹定注定猶孰也今順天調酪謂之定酪鄧廷楨說

說丈臯孰也讀若純孰亦從臯凡孰曰臯孰之亦曰臯今人謂

以燭火溫肉使極孰為臯音如頓臯聲之敦廣韻亦有頓音又廣韻云煦煦

肉音佗衰切此亦臯之俗字今人謂淪卵不使甚凝為煦卵音卵

變如

說文筥卑也讀若篤案昌本訓獻亦為昌音變為京反昌為卑猶

言重味耳故昌卑二部之字多指飲食筥訓卑者亦謂重味今

蘇州以筍芼肉稱為筍筥肉乃是本義汎言筥卑借篤為之者

則引伸義也

說文鑊溫器也於刀切今直隸謂溫肉爲鑊肉淮南謂煮菜爲鑊菜浙江謂溫麪爲鑊麪以鑊溫之亦曰鑊猶以甑烝之亦曰甑矣

說文鬻吹釜溢也從鬻字聲蒲沒切今謂釜沸水溢出爲鬻讀若鋪字聲字今多轉爲鋪蒲

說文煦烝也方言煦乾也今淮南謂以溼餅承火爲煦音如呼吳越謂烝爲煦音如霍

方言熬烝即今煎煎備鞏火乾也今熬烝煎爲通語備或音如逼

或變作焙皆一語也鞏廣雅作焙本炕之轉說文炕乾也今多

言炕

說文臙生肉醬也丑連切今人以生肉入釜微淪勿令極孰曰臙或曰生臙

釋名菹阻也生釀之遂使阻於寒溫之間不得爛也廣雅醃菹也今人治菜作菹謂之醃亦謂之將七羊切淮南謂生醃蘆菹爲

將蘆菹菹蟹爲將蟹江南言醬又以石灰生鬱棗果謂之將棗將即菹字將且雙聲相轉將且同訓樊豐同訓是其例菹之爲將猶蘆之爲

醬也

說文蘆醃也醬醃也蘆醬同訓雙聲相轉

說文醢齋也徒對切字亦作兌釋名生淪惠暹曰兌言其柔滑兌兌然也今人謂蘆菹菹爲醢蘆菹以鹽酢生菹鰕蟹亦曰醢鰕醢蟹音如醉

說文酢醢也倉故切今人謂醢爲酢通以酬醋字爲之酢本酸

酒變敗而成浙江謂酒食被鬱酸敗起沫爲酢音如作

說文煮臠魚也側下切字亦作鮓淮南言煮如字廣韵煮音如想今浙江謂臠魚爲煮陝西四川皆云來鮓去煮讀竝如想

說文蓀乾梅之屬後漢長沙王始煮艸爲蓀盧皓切浙東謂乾菜爲蓀菜

說文澱漬也子廉切今以蜜漬果實謂之蜜澱讀去聲

爾雅鋤鍾也蘄州謂鬻曰鋤爾雅鬻糜也鄧廷楨曰福州謂鬻曰糜

說文簋稻餅也或作饘今人謂稻餅曰簋圓杭州別言簋圓餅之爲簋猶翦之訓齊翦刀之爲劑刀矣

方言餌或謂之飢王念孫曰飢之言圓也今人通呼餅之圓者

爲飢

說文糗一曰粒也桑感切今湖北江南浙江皆謂飯粒爲飯糗爾雅米者謂之𦉰李巡曰飯米半腥半孰曰𦉰今杭州謂飯結釜底焦者爲𦉰焦音博九切𦉰之正音也其餘多轉如巴謂之鍋𦉰

舂米謂之𦉰米說文𦉰小舂也初養切鄧廷楨曰順天謂舂米爲𦉰米

研麴謂之扞麴說文𦉰以石扞繒也扞摩展衣廣韵扞古旱切今作此音

說文𦉰煮麥也𦉰戎切天官其實𦉰黃郝懿行曰今江南人𦉰稷米暴乾𦉰之呼米𦉰𦉰讀如蓬謂蓬蓬然張起也章炳麟案

今武昌語如是

說文糲乾也平秘切常德謂熬飯曰糲兒音如泡之幽相轉也
說文飧鋪也從夕食溫州謂晚飯爲夜飧讀如宣諄文魂元寒
相轉

說文臠肉羹也字亦作臠釋名臠蒿也香氣蒿蒿也今人乃稱
燔豚爲燒臠音如靠

說文𠵽含深也徒感切含深曰𠵽所含曰覃說文覃長味也雙
聲相轉侵幽對轉字變作道說文甘從口含一一道也覃之爲
道若禪服作導服穀道呼穀暉矣今人通謂味爲味道本味覃
也

說文𦔻食辛𦔻也火沃切呂氏春秋本味曰酸而不醅玉篇引

作不噤今人謂味過厚烈爲噤轉平如蒿

說文滫久泔也息流切內則注秦人浚曰滫今謂食久味變作泔水臭曰滫通以浚字爲之

說文殖脂膏久殖也常職切今謂膏壤爲殖湖北讀如字江浙轉平如蚩燭久而敗亦如之

喪服冠六升外畢注外畢者冠前後屈而出縫於武亦或作紕邾風素絲紕之箋云縫紕旌旗之旒繆釋文紕紕移反今通謂衣有綻裂以一鍼貫連之曰紕一鍼紕讀如弼若邾成耶弼成矣浙江又別言紕一鍼說文紕縫也直質切今音作丁質切古無舌上音紕本作丁質切也亦曰敔一鍼周書善敔乃甲冑鄭注敔謂穿徹之釋文敔了彫反凡非綻裂而粗率縫之亦曰敔

敷通語也

廣雅紵緣也曹憲音下孟反玉篇紵縫紵也今淮南吳越謂粗縫曰紵音如行列之行

廣雅紵納也納補也論衡程材篇曰納縷之工不能織錦今淮南吳越謂破布牽連補綴者爲納頭亦謂刺繡爲納繡直隸謂粗縫曰納

說文𦨇門戶青疏窻也所蒞切薛綜西京賦注曰疏刻穿之也楚辭招魂云網戶朱綴刻方連些古詩曰交疏結綺窻是𦨇爲交文刻畫之形說文又有𦨇字云通也從爻足足亦聲爻者交也則𦨇爲刻文交通通義爲𦨇別義爲𦨇𦨇亦作瑣離騷靈瑣漢書元后傳青瑣是也廣雅亦曰繇聯縹縹瑣系連也本是門

鑊而刺繡綺文亦似之今刺繡有曰拉瑣者則此義也說大瑣木刺玉

登門鑊乃借爲𧈧銀下云銀鑊瑣也鑊下云大瑣也今皆名銀鑊爲瑣此又非𧈧之借莊子庚桑楚篇胥靡登高而不懼漢書楚元王傳二人諫不聽胥靡之貢誼傳傳說胥靡師古謂聯繫使相隨而服役之是則瑣乃胥靡之合音靡從麻聲古音靡本在歌部也小雅淪胥以鋪傳曰淪率也箋云率率相引余謂淪胥卽是率率以瑣鋪者說文云著門鋪首也漢書哀帝紀銅龜蛇鋪首鳴師古曰門之鋪首所以衛環者也然則淪胥以鋪者謂系瑣以衛環之鋪也

說文滂箴縹所紕衣玉篇丁雉切唐韵開爲舌上音作陟几切虞書絺繡春官希冕鄭皆讀爲滂是滂亦有刺繡之義今刺繡有云打滂者

廣雅幽緝也幽緝同字曹憲皆音布緝反燕策王身自削甲札妻自組甲緝此謂縫甲之組爲緝也今人謂壓金線作繡爲緝金音如平

說文緹織帶也古本切凡織帶皆可以爲衣服緣邊故今稱緣邊曰緹邊俗誤書淩

說文緝績也績緝也今紹興謂絡經爲緝績績音如債

說文鞮履空也母官切廣雅鞮補也今人謂以革補履頭爲鞮鞮張革冒鼓亦曰鞮鼓皆讀去聲倉頡篇云鞮履也一切經是音義引是

鞮鼓義

說文鞮補履下也今謂衣破補處爲補鞮

聲類彙開衣領也口禮反

玉篇引儀從多聲讀口禮反者猶說文引論語路于足今作旅是儀有旅

音也今人謂開裳下齊爲開儀俗書作气無義或呼開儀爲充夜

切此正如哆參勝等皆入麻禡韵也書作開又者亦非本字或應作哆訓張音敕加切耳

爾雅紕飾也郭璞曰謂緣飾襍記紕以爵韋純以素注在旁曰
紕在下曰純字亦作辟玉藻天子素帶朱裏終辟注辟謂以繒
采飾其側其在衣裳者既夕禮記纁緋緋注飾裳在幅曰緋在
下曰緋釋文緋音卑今人謂衣裳邊角純緣曰緋音如擺

深衣注緣緋也釋文緋音卑今人謂衣裳邊角純緣曰緋音如擺
曰緋起

說文革中辨謂之輦段玉裁曰辨駁文也辨當作辨謂緋文感
惑者俗字作襍謂裙上襍疊爲襍

方言終頭帟頭也自河以北趙魏之閒曰帟頭曹憲廣雅音曰
帟七消反案帟頭則繞額者然問喪注云邪巾帟頭并纚之存
象也以帟頭擬纚則籠髮矣今浙東寧波紹興通謂帽曰帟音

七由切

說文綏系冠纓也案綏爲垂於下者故凡絲纒垂下者皆得稱
綏說文組亦訓綏屬是也今直隸稱線及組垂下者皆爲綏佗
處言纓則失之矣

說文巾佩巾也帑巾帑也帑音女余切今人謂巾曰手巾亦曰
手帑兒魚模轉麻讀帑爲女加切或讀入聲如搦女白切帑之言
搦也

方言帟音謂之被巾郭璞曰婦人領巾也曹憲音戶字亦作扈
楚辭離騷注扈被也今人直謂方領爲帟領

說文祗袂短衣上都兮切下都牢切雙聲連語也氏聲周聲皆

近敦

孟子萬章篇張朕注云彤弓大雅敦弓既堅正義曰敦與
彤古今之異說文雕嚴至訓以是相參則知氏周敦聲義

淮南謂短衣曰敦子敦即祇裯矣

廣雅稱謂之褌今淮南謂小被爲褌被

裊蒼枕被緣也

引廣韻

廣韻音都感切今謂被緣曰被枕頭音轉

如當

說文荐薦席也薦艸也通語栗秸之席曰艸薦揚州謂之臺薦方言小袴謂之校衲今廣東謂袴爲校

說文褌跨跣也丈匄切今人通言韜跨福州謂之褌從舌頭音呼如動

釋名履禮也飾足所以爲禮也說文鞵革生鞵也今通謂履爲鞵惠潮嘉應之客籍尚謂之履

左傳踊貴履賤踊爲刑者所箬貫脛而下無跗踊之言通也凡

貫脛者皆得此語今人謂鞞貫脛處曰鞞踊鞞踊讀如桶案釋名鞞鞞鞞之缺前墜者後人言深雍鞞雍墜皆即踊字

說文經粗緒也臣鉉等曰俗別作純廣韵經繒似布式支切今人謂以絮縷織繒爲縣紬絲之粗緒織繒爲經紬俗誤書絲繒無不用絲者無爲獨取絲名也

說文紬絲下也下沒切絲下謂絲絰頭今人音變如吃居乙切以餘音謂之紬怛

說文引書烏獸裘毛音而隴切今書作毳毛釋文引馬融曰毳溫柔貌徐仙民作而充如充二反今人以細毛作毳布名之曰裘音而充反俗作絨匡謬正俗曰戎獸皮可爲蓐戎即狽字此則單舉一物非今之裘也又說文鞞鞞毳飾也而隴切裘鞞聲

同通名爲褻別名爲鞞

毛詩國風傳曰瑱塞耳也今江寧婦人耳上綴環老婦所綴謂之耳塞鄧廷楨說

說文體骨撻之可會髮者從骨會聲詩曰體弁如星古外切撻即搔頭今浙江猶謂搔頭曰體兒士喪禮古文髻爲括髻即體字廣韵髻音戶括切故浙江言體亦作戶括切

說文璚劍鼻玉也直例切漢書王莽傳以雙聲假借作璚云即解其璚是璚爲可解者今人於扇柄作鼻繫玉謂之扇璚音如墜

說文𡗗二𡗗也力几切爾字從𡗗謂其孔𡗗故直隸謂葦桺諸器爲罩𡗗通依廣韵作箄籬離𡗗聲通古詩說銅鑪離婁是其

義

考工記輿人注較兩轎上出式者今人通謂胡牀兩轎爲較音如靠

方言牀杠南楚之閒謂之趙郭璞曰中國亦呼杠爲桃牀廣雅桃作桃今人謂長凳爲桃凳廣韵作徒了切今讀如條

方言榻前几江沔之閒曰程郭璞音刑廣韵又佗丁切今淮南謂牀前長凳爲程凳音如晴江南浙江音如程

說文斯柯擊也從斤良聲來可切今人謂椎有柯柄可舉擊者爲斯頭從良聲讀如郎山西正作來可切

說文杵舂杵也平陽謂擣衣石爲杵搏石搏亦擣也考工記搏埴之工注搏之言拓也

曲禮鄰有喪春不相注曰相謂送杵聲又樂記治亂以相相即春牘亦與杵近荀子有成相篇漢藝文志有成相襍辭十一篇今淮南北有蹋歌曰打連相案成從丁聲與打同義成相即打連相爾

說文躋舉足行高也今舞者縛木槌於足下謂之高躋去遠其略二切皆得

呂氏春秋開春論樂水齧其墓見棺之前和高誘曰棺頭曰和今浙江猶謂棺之前端曰前和頭音如華淮南謂題字於棺前端曰題和音如壺

說文梏手械也古沃切今人通言手梏音如靠

說文梏炊竈木佗念切段玉裁曰今俗語云竈梏范寅說紹興

亦有是語

三倉桃札也

一切經音義引

今江浙稱木片爲木桃音如費

桃從儿聲今柿果字

誤省作此形

方言汙謂之穉穉謂之筏曹憲廣雅音曰穉薄佳反今人謂筏爲木穉音如字穉可以渡渡亦曰穉猶橫可以渡渡亦曰橫今人謂渡爲穉渡音如擺

方言舟南楚江湘小而深者謂之樑郭璞曰即長舫也廣雅舫舟也今寧國池州太平之間謂船小而深者爲舫舫蓋即舫字釋名三百斛曰舫

方言僞謂之佻郭璞曰僞音訛船動搖之貌也今讀如華俗作划一曰划本菜之俗字說文菜兩刃雷也互瓜切俗字作鐮兩

刃亩本農器今築似之皆稱划銀本茱鉞也以茱鉞行舟謂之茱茱而動之曰僞猶華蕩通矣

說文舩船行也丑林切今人謂行船爲舩船或書作撐非也撐但可云以篙櫓柱船耳行船不得言撐也且天津言舩船音尺容切此正侵冬之轉非撐明矣

方言所以刺船謂之櫓維之謂之鼎今杭越閒繫船不以纜索其船首有一孔用篙插入謂之下鼎俗字作從焦循說

釋名隨風張幔曰帆今帆或讀如芄覃冬之轉或書作篷非其義也

爾雅茱婦之笥謂之罍郭璞曰謂以薄爲魚笥今浙江謂魚笥爲魚薄音如簿又方言云薄宋魏陳楚江淮之閒謂之亩今謂

葦籠竹籠曰薄音如簿魚薄得名亦由此矣荀子禮論薄器場

是則通名也

呂靜韵集曰掩胃於道曰涼似弓者也一切經音義引廣韵涼音其亮

切今浙江謂捕鼠機爲老鼠涼

爾雅白蓋謂之苦說文苦蓋也蓋苦也目部睽下云讀若白蓋謂之苦睽今音失冉切則苦亦可讀失冉切左傳云被苦蓋凡張蓋皆得稱苦非止編茅覆屋而已今人華蓋雨蓋皆謂之苦音正作失冉切譌入元寒作繳通俗文云張帛避雨謂之繳蓋是漢末音韵已岐矣揚州儀徵謂雨蓋曰苦或曰小苦子音如添添正作沾猶可考見本字

說文班車苓間皮篋讀與服同今人謂布囊爲包伏伏無正字

或書作𦍋𦍋乃車包伏同聲即伏𦍋則一語二音也其謂皮篋

可提持者爲皮包則正當作𦍋矣服聲皆有包𦍋義說文𦍋𦍋

所以容矢者衣服亦非本字說文服本訓用一

說文𦍋柔韋也從北從皮省從𦍋省讀若更一曰若𦍋今浙江

謂韋革於木革久弛緩而張之使急曰𦍋從𦍋稍轉如薦案考

工記注引倉頡篇𦍋連文𦍋亦作𦍋鮑人之事引而信之欲

其直也信之而直則取材正也是𦍋亦兼張皮非專柔之𦍋亦

同訓今𦍋語僅存於中土𦍋則獨日本言之矣

說文錯金涂也引伸爲錯鏤周滕侯錯字叔繡中侯曰赤文綠

錯今人謂猥褻小印爲錯子

廣雅鉉置也莊子達生作注今人猶謂賭者質物爲鉉

說文銅車軸鐵也古莧切釋名輶閒也閒鉦軸之閒今車軸在轂中者裝鐵其上與轂中鐵相切磨稍久則修治之謂之挑銅
鄧廷楨說

說文煨乾貌從火漢省聲今人謂以火合金器爲煨金器受火則鎔已合而乾故謂之煨讀如漢一曰字當爲釁謂合其罅隙也釁漢音轉

方言釁謂之甌史記貨殖列傳曰漿千甌漢書作儋孟康曰儋甌也今人謂甌曰甌音如覃

說文儋何也今人謂肩任爲儋手持亦謂之儋字變作擔又後漢書明帝紀生者無儋石之儲韋彪傳注江淮謂一石爲一擔今人猶謂一石爲一擔

投壺請爲勝者立馬一馬從二馬三馬既立請慶多馬注馬勝
算也其後字變作隅方言隅益也今謂記數以縱橫畫代一二
三四等字爲馬子賭家以籌記勝算爲籌馬

說文符信也今人官檄借券皆謂之符音竝如票若餓華之華
讀標矣

爾雅象謂之璫玉謂之琢今玉工謂攻玉爲璫玉則通名也轉
入麻部讀如車尺奢反

說文璫敗也從瓦反聲布綰切浙江謂敗瓦爲瓦璫

說文煨火也煨火也皆許偉切詩王室如燬說文引作煨燬煨
本一字古音火亦如燬故今福州謂火爲燬

說文煖然火也從火交聲周禮曰遂饗其煖煖火在前以煇煇

龜子寸切今人言一煖鐙光煖讀如箭

說文點火行也今謂引火然鐙爲點火當爲點字廣韵點有佗
念一切與點端透二紐相轉

方言煬暴也又云煬熾也今謂以火熾物爲煬讀佗浪切俗作
燙以火申繒謂之尉說文尉從上案下也今音轉如蘊猶君姑
威姑聲轉矣

通俗文熱灰謂之塘煨

一切經音義引

今人以火熏發花謂之唐花段

玉裁曰唐即塘字

莊子讓王篇其土苴以治天下釋文苴側雅反又知雅反李頤
云土苴糟魄也苴亦借沮爲之說文搯取水沮也今人謂糟滓
爲苴作側加反俗字作渣乃沮之形變也

說文涿流下滴也今人言水湛汁爲一滴凝液爲一涿涿讀如督古無舌上知紐涿音本如督也

說文澍雨流霤下胡郭切段玉裁曰今俗語呼檐水霤下曰滴澍蓋金壇語也

說文滲下漉也所禁切江南浙江謂水下漉爲滲上浸亦爲滲說文歌盛氣怒也引伸爲香氣辛烈左傳饗有昌歌天官醢人謂之昌本釋文歌音在感反浙江謂香盛曰香歌作初感反字譌爲竄明世醫方諸書初言辛竄今日本亦言香竄矣

說文蕢樛香艸也今人謂香盛爲蕢香音如噴

說文炫爛耀也淮南浙西謂明赤曰炫紅

說文彤丹飾也通語狀赤曰紅彤彤爾雅一染謂之緇再染謂

之頰頰爲淺赤襍白浙江狀赤而微白者曰紅頰頰說文穀日出之赤也火沃切今文尚書言桺穀穀亦穀字浙江狀暗赤曰紅穀穀

說文黥淺青黑也今人謂之黥綠以慘爲之

爾雅黑謂之黝安慶狀暗黑曰黑黝黝音如幽

爾雅藐苾艸郭璞曰可以染紫釋文藐亡角反今人謂淺紫曰藐色音與福不分因傳之福康安謬矣陝西但言紫未有言藐色者

說文黼黃黑色也廣雅黼黼黃也曹憲音黼齒善反黼佗丸反蓋本一字音有侈斂耳又說文纂黃黑而白也初刮切與黼亦一聲之轉今人謂黃黑色曰沈香色浙西謂之黼香色音正作

齒善反

說文黯青黃色也呼罪切今人謂人面色襍青黃者曰黯氣色此與稱不祥爲晦氣相轉俗亦不殊其字

說文黯鮮明黃也户圭切今揚州狀果實之黃曰黃黯黯音苦圭切

考工記欲其茶白也茶爲茅秀白色浙江狀雲氣之白曰白茶茶

說文焉菸也菸鬱也焉音於乾切今謂布帛變色萎黃曰焉

說文皆日無色從日竝聲此日月薄蝕之本字取初古音如滂從竝聲也稍變對轉魚模如溥引伸爲凡無色之稱故祥訓無色亦讀若皆今江南吳越通謂色敗青黑曰烏青皆音讀如滂

新方言六

餘杭章見伊校

新方言

章氏叢書之一

釋天第七

爾雅螭螭謂之雩螭螭虹也郭璞曰江東呼雩音羊廣韵虹亦入四絳古巷切下今直隸山東及淮南北正作是音其別名雩者虹雩亦一聲之轉耳今自江南運河而東至於浙江皆呼虹如哂音在虹雩之閒虹轉爲哂若項橐作后橐矣

邶風終風且暴爾雅日出而風爲暴毛傳暴疾也今謂疾風時至爲風暴

說文風八風也從虫凡聲凡聲古在侵部詩風與心林欽爲韵今所在皆作方戎切江寧猶作方林切

爾雅暴雨謂之凍郭璞曰今江東呼夏月暴雨爲凍雨離騷云

使凍雨今灑塵是也凍音東西之東今陝西四川皆謂夏月暴雨爲偏凍雨凍正音東偏者夏月暴雨一二里內雨暘各異故謂之偏亦曰分龍雨亦曰白雨廣東謂之白撞雨撞從東聲凍音轉撞若呼一重爲一撞變東禍爲撞禍矣

爾雅小雨謂之霡霂廣州謂細雨爲霡雨轉作平聲

說文滕久出也詩曰納于滕陰或作凌力膺切華山之陽漢中保寧謂雹及霰皆曰凌子讀上聲湖北謂雨而木冰爲油光凌讀去聲

說文暘傷暑也於歇切福州凡熱皆謂之暘

說文難安難溫也奴案切江南浙江謂微溫爲溫難音如瞰寒

韵轉泥
透紐轉

說文清寒也七正切福州謂寒爲清若通語言冷矣

說文洞滄也滄寒也洞音戶聚古迴二切今直隸山東江淮浙江皆謂甚涼曰洞讀如映匣影二紐相迤也

說文鋪日加申時食也因謂日加申爲鋪時字變作晡今淮西浙江謂日昃時爲下晝惠潮嘉應之客籍謂之下晡頭廣州仍言下晝

新方言七

餘杭章見伊校

新方言

章氏叢書之一

釋地第八

七發踰岸出追李善曰追古堆字今直隸呼堆如追

說文畎一曰陌也古郎切或借庚字爲之詩序由庚萬物得由其道也左傳塞夷庚杜解夷庚吳晉往來之要道亦借庚字爲之爾雅五達謂之康是也今人謂田上陌曰田畎音古杏切以埂爲之又行海者以更計程此即庚字在水計庚猶在陸計傳矣浙西又謂豪豬狸鼬穿道爲亢音古郎切釋名云鹿兔之道曰亢行不由正亢陌山谷艸野而過也

爾雅六達謂之莊郭璞引左傳曰得慶氏之木百車於莊今人以爲通名田家邨落謂之莊山居園圃亦謂之莊

說文穴土室也胡浹切惠潮嘉應之客籍謂小洞爲穴凡牙音南方多發爲輕唇穴音如弗

說文空竅也堀兔堀也引伸凡空竅曰堀字亦作窟今人謂地有空竅爲窟籠籠者收聲也或曰窟籠合音爲空

說文窞坎中小坎也易曰入于坎窞徒感切江南浙江皆謂地中小坎爲窞讀平聲

曲禮注嫌名謂禹與宇此與區匡謬正俗曰晉宮閣銘所載某舍若干區者列爲此字則知區此音不別矣且今江淮田野之人猶謂區爲此亦古之遺音也顏說既爾今驗南方土田契籍及方俗語言皆謂一區田爲一此田

漢書賈山傳曰蓬顆蔽芻晉灼曰東北人名土塊爲蓬顆今浙

東謂塵爲蓬塵蓬與堞坳皆一聲之轉蓬又作埤廣韵埤埤塵起蒲蝶切浙江謂塵垢狼藉爲埤音如俸

爾雅山脊岡今蘄州猶謂山脊爲岡讀去聲廬州亦謂山脊曰岡讀如字

爾雅過辨回川注曰旋流音轉字變作渦江賦盤渦谷轉今人亦謂旋流爲渦讀如阿正當作過渦乃水名說文作渦今安徽猶有渦陽縣矣非旋流也

方言泡盛也西山經其源渾渾泡泡注水漬涌之聲也山西寧武謂山水暴至轉石破崖者爲泡泡水從廣韵匹交切

說文瀉水至也在旬切江西廣信謂水沸涌爲瀉讀若薦說文瀉盡也子肖切經典相承以醺爲之王念孫說高郵謂水

盡爲漁

新方言八

餘杭章見伊校

新方言

章氏叢書之一

釋植物第九

說文耑物初生之題也今揚州謂艸木初生微芽爲耑子讀如
韻

說文茨艸根也北末切今浙江謂艸木根爲茨頭音轉如匍猶
鬻之音轉爲鋪矣

說文艸衆艸也經典相承作莽因以形狀艸多楚辭九章曰艸
木莽莽今浙東謂艸稠爲莽因以形狀物盛呂氏春秋知接篇
何以爲之莽莽也漢書禮樂志莽若雲浙東亦謂細物茂密爲
莽

爾雅戎叔謂之荏菽郭璞曰即胡豆也今四月大豆通言蠶豆

廣東曰馬豆四川謂之胡豆戎胡馬皆大也

廣雅豆角謂之莢呂氏春秋審時篇得時之菽其莢二七以爲族今人數豆猶云若干莢

爾雅苧麻母釋文孫音嗣即桑也今浙西謂桑爲苧麻

說文秕不成粟也今謂不成粟者爲秕穀轉入如畢俗字作糲無以下筆

說文葑須從也須從者葑之切音後變爲菘蘄州謂白菜爲葑音正作須從切案方言豐蕘蕘菁也郭璞曰今江東音嵩字作菘經典釋文云江南有菘江北有蔓菁相似而異爾雅蘇藩蒿元寒歌戈對轉今言蘇菜聲如菠菜爾雅歲馬藍今人摘食其芽謂之馬藍頭

爾雅荇牛藻說文讀若威左傳言蘊藻蘊即荇也釋文音紆紛反浙江謂藻爲荇艸讀紆紛反

爾雅薺若菱光郭璞曰或曰菱也今山東棲霞謂菱爲菱薺郝懿行說

爾雅乃鳧茈郭璞曰苗似龍須而細根如指頭黑色可食今通謂之鳧茈音如蒲齊俗作葦薺

三蒼瓠瓜中子也

經典釋文引

范汪療黃疸散方曰取瓠子白瓢及

子熬令黃

外臺秘要卷四引

是謂瓢即實爾雅郭璞注曰莖中有瓢今

人皆謂瓜實爲瓢

說文薄林薄也平陽一樹亦稱薄子薄讀若博若一卒亦稱軍矣

廣雅科本也今人謂一本樹或曰一株或曰一科

說文檣斷木也徒刀切凡全木斷木亦得互受通稱易言輿困于株木此朽株也今通語雖斷木亦曰一根福州雖全木一本亦曰蜀檣蜀者福州言一也

說文松木也唐韵及宋廣韵皆祥容切今所在皆作相谷切廣東廣州湖北蘄州獨得正音

說文樣桐實徐兩切桐即今櫟樣俗作櫟蘄州謂櫟實爲櫟樣子音正作徐兩切

爾雅觀采薪采薪即薪樊光曰荊州曰柞木采木王引之曰柞一名櫟一名樣一名采韓子五蠹篇曰采椽不斲韋昭漢書注

曰采椽櫟榱也史記大史公漢書司馬相如傳應劭注櫟采木自序索隱引

也今蘄州亦謂櫟實爲櫟櫟子櫟讀如薪去聲

詩秦風山有苞櫟陸璣疏曰今柞櫟也今登萊青人謂櫟爲柞或謂之苞櫟音如櫟盧或如蒲羅郝懿行說

說文櫟棗也王引之曰大雅瓦甌櫟爾雅漢枹者謂皆即櫟字今自徽州以東至於江南浙江皆謂白棗爲白櫟棗櫟讀裴遇切

新方言九

餘杭章見伊校

新方言

章氏叢書之一

釋動物第十

爾雅有足謂之蟲無足謂之豸今浙西或謂蟲爲蟲豸

方言蟬其大者謂之螳今直隸謂蟬爲即螳山東淮南北謂之螳螂浙江謂之蜚螳或曰知螳螳或讀如螳

說文禹蟲也玉篇響禹蟲也廣雅土蛹響蟲郝懿行據山東語稱地蛹紫蛹訓繭蟲以雙聲借爲禹猶公羊以踊爲豫矣

爾雅蟋蟀蚤郭璞曰今促織也亦名蜻蛉今人皆謂蟋蟀爲促織別有小蟲能鳴者稱爲蜻蛉子音如蜻鈴

說文蝗蚤也今通言謂之蝗或謂之蚰蚸或謂之蚰蟥方言作螭螭

爾雅虻蛭負勞郭璞曰即蜻蛉也江東呼狐梨今通謂之蜻蛚
順天呼赤者爲火壺盧壺即狐梨矣郝懿行說

說文蛭蛭蛭也今通言謂之胡蛭淮南鄙人猶稱蛭蛭子蛭讀
如葉

說文蜡蠅胆也周禮蜡氏掌除飢今江南運河而東至於浙江
謂蠅生胆爲蜡胆引伸凡人浚便亦曰蜡或讀如赤

方言蚰蜧自關而東謂之蟪蜧今人通謂之蚰蜧

方言蛄南楚謂之杜狗今通謂之蛄蛄爲土狗或云地狗

說文蜚臭蟲負蟻也今淮南謂之蟻山西謂之蜚蟲蜚讀如比
古音無輕唇蜚本讀比江南轉入如畢通言曰臭蟲

說文蟻蟲子也今通謂蟲卵爲蟻子

爾雅蛄蜣蜣娘說文作蜣娘今淮南謂之推矢蜣娘以其轉其也

爾雅蛄蜣強蜉郭璞曰米穀中蠹小黑蟲也建平人呼爲蜉子音孚姓然說文則作強羊今通言皆曰羊子至廣東呼爲米牛紹興呼爲米象則以其在米中耳非字從羊有孚聲也說文是毛詩州木疏曰蠹蜉長跂荊州河內人謂之喜母今南方多謂長跂爲喜子或曰壁喜

說文蠹死蠹也廣雅蜉蜉蠹也今通謂蜉爲曲蠹

方言蠹其大而蜜者謂之壺蠹今人言壺蠹則謂無蜜而能螫人者

說文載毛蟲也千志切今人猶謂毛蟲爲載毛蟲載者栽也植

也傳也故亦謂獸毛豎爲毛載起

爾雅蠨螋釋文蠨莫孔反今所在謂亂飛小蟲如蚋者爲蠨
蟲廣東謂之蠨子莊子至樂篇曰斯彌爲蝕醯李頤云斯彌蟲
也司馬彪曰蝕醯苦酒上蠨螋也今浙東亦謂蠨螋爲蝕醯音
譌爲息醯或譌爲相思

爾雅鰾鰾此爲班魚說文鰾鰾也此爲長須水蟲蓋班魚有文

長須生時黥青孰則純赤文章玢幽故同受鰾名

鰾之言文也考工記青與

赤謂之文此長須所以名鰾段氏以今本說文爲誤不悟異物同名者果寧可盡絕

廣韵鰾音匹問切今

通謂長須曰鰾杭州賣酒家作酢魚佐以鰾菹名曰酢魚帶鰾

鰾讀必問切

幫滂二紐相連

自餘四民皆言鰾矣

爾雅蚘蠖蚘今通言謂之蝸牛淮南謂之壁蠖音如蟻

爾雅螻蛄易蜥易蜥蛄守宮也今呼在壁者爲壁虎紹興謂在地者爲蜥蛄本音徒典切今從舌頭轉舌上爲陟鄰切

說文虫一名蝮爾雅作虺今自淮漢以南稱土虺蛇亦云土骨蛇骨借爲虺兀聲骨聲同部

韓詩薛君說威施蟾蜍說文作蠃今江南運河而東至於浙江皆謂蟾蜍爲蠃施蠃者以多瘕瘕或稱蠃子蠃園皆取此義北方或名屈造夏小正蜮也者屈造之屬也淮南說林訓作鼓造今音如聒造黃者通言蝦蟆在水者北方稱鼃南方稱田鼃說文鼃水蟲也

爾雅貝博而類者名蜃郝懿行說雲南人呼貝爲海蜃俗作蜃

論衡言毒曰毒螫渥者在魚爲鮭北山經注今名鱖鮓爲鮭魚
音圭案今所在皆稱河豚廣東香山謂之鮭泡

說文烏長尾禽總名也唐韵及宋廣韵皆都了切今所在皆讀
女皎切江南運河而東至於浙江猶作都了切

方言桑飛或謂之機壽今通曰麻雀麻機一聲之轉又機本訓
小方言云木細枝江淮陳楚之內謂之蔑麻亦訓小古字作靡

漢書敘傳曰又況么靡尚不及數子鄭氏曰靡小也

機壽木名
爲鴉張華

賦之云色淺體潤無以黃以自貴而王念孫却鮭行
皆說爲毛色黃黃之機串則不合矣麻雀名實皆應

方言布穀爾雅謂之鴈鳩今人通謂之布穀音如勃姑

說文萑鷖屬讀若和今浙西通謂鷖爲萑老鷖讀若倡和之和

杭州謂之夜萑音如獲俗誤以鷖爲之自唐已然鷖本鷖鳩非

鷓也

爾雅未成雞健今登萊呼小者爲小健紹興亦爾或云大健頭雞

說文卵凡物無乳者卵生盧管切今福州猶呼卵其他音轉爲徒旱切以蜚爲之

半舌轉舌頭

說文穀卵子生哺者口豆切魯語曰鳥翼穀卵池州大平移以言卵謂雞卵曰穀音如吼

雞紐曉經相轉

說文孚卵孚也亦書作抱方言北燕朝鮮洌水之閒謂伏雞曰抱今自江而北謂雞伏卵曰抱江南或轉如捕

方言隋鼯易也今淮南謂鳥獸易毛爲鼯毛蛇蟬之屬解皮則謂之蛻鼯蛻聲義相轉

說文鳩鷺鳥食已吐其皮毛如丸讀如鴃今貴州謂海燕食魚所吐爲燕鳩音正作鴃通語音如阿從岡聲也

說文麀麀屬麀大鹿也牛尾一角漢書郊祀志獲一角獸若麀然師古曰麀形似麀牛尾一角音蒲交反爾雅釋文引張揖曰麀步交反即麀也寧武謂麀屬牛尾者爲麀音正作蒲交反俗字作麀

沐猴母猴母猴彌猴今人謂之馬猴皆一音之轉

說文猶獲屬水經江水注曰猶猢似猴而短足今廣州謂猴爲馬猶猶音如畱首酉卯本一聲也

爾雅獬子獬郝懿行曰棲霞呼獬爲獬

說文穀犬屬要以上黃要以下黑食母猴從犬設聲讀若構今

甘肅有是獸音舒如吼

說文希脩豪獸讀若弟絺希屬唐韵音息利切郝懿行曰今貓有毛絕長者謂之師貓師即絺也

說文獾犬惡毛也奴刀切今人謂犬毛蒙茸者曰獾師狗師亦絺也

爾雅鼯鼠郭璞曰小鼯鼯也亦名鼯鼯今人謂之松鼠或云松狗即鼯鼠鼯鼯矣

爾雅熊子狗郝懿行曰東齊登萊青至遼東音轉如羔

爾雅郭璞注曰今青州呼犢爲狗釋文音火口反古但作犢漢書朱家傳乘不過犢牛晉灼曰小牛也後變作狗亦變作牯廣韵云牯犢牛子也今浙西謂犢爲牯諺云春冷凍殺牯其音如

項猶𧮩本音火口切後讀項矣淮南北謂犢爲𧮩音如荷

爾雅摩牛郭璞曰出巴中重千斤釋文摩亡巴反郝懿行曰今西寧府西寧衛有之呼如莽牛

左傳言封豕楚辭離騷言封狐詩周頌傳封大也牛有名犴牛者郭璞云領上肉肤起今浙江猶呼大豬爲幫豬即封豕矣

說文𦍋羊鳴也𦍋婢切今湖北謂羊鳴爲羊子𦍋轉讀入聲如𦍋

說文夏羊牡曰𦍋公戶切此與爾雅牝𦍋詩箋謂𦍋羊兼有牝牡說異今湖北謂牡

羊曰羊𦍋子移以言牛謂牡牛曰牛𦍋子陝西稱羊皮爲𦍋子

皮

爾雅馬屬牡曰騊牝曰騊釋文騊音舍廣雅騊雌也此爲通名

今湖北謂牝牛曰牛捨子謂牝羊曰羊捨子捨讀平聲如沙
史記平準書乘字牝者簡而不得聚會字變作牴廣雅牴雌也
直隸山東淮南浙東皆謂牝牛爲牴牛

說文豶牡豕也今湖北謂牡豕爲豶猪音如霞

說文朴特牛父也楚辭天問曰焉得夫朴牛今山西謂牛父爲
朴牛浙東移以言豬謂豬父爲朴豬

爾雅牝曰騶郭璞曰草馬名今北方通謂牝馬曰草馬牝騶曰
草騶湖北移以言豬謂牝豬爲草豬

方言虔殺也引伸爲去陰通俗文以刀去陰曰剝一切經音義引字變

作犍漢書已有犍爲郡其字說文遺之廣雅犍作犛淮南皆謂去畜陰曰

犍

說文驪牁馬也登萊移以言豬謂豬去陰者爲驪豬凡言健言驪皆雅言也或謂之驪則後出語也

說文屈無尾也九勿切許慎淮南子注屈短也今登萊謂物之短尾者爲屈雪雪餘音也郝懿行說

新方言十

餘杭章見伊校

新方言

章氏叢書之一

音表第十一

韻目

之(一)——蒸十

之宵幽灰術蒸東元

幽(二)

侵十一 耕二十

宵支錫東侯冬陽脂

冬十二

宵(三)

談十三 奎二十一

之幽歌麻灰術侵東元

侯(四)

東十四

侯侯陽魚談真耕

魚(五)

陽十五

歌(六)

元十六

宵幽歌蒸東元耕

灰(七)

諄十七 月二十三

魚魚支東冬魚陽

脂八——真十八——質十三

支九——耕十九

右二十三部古韵凡目横迤則爲旁轉縱貫則爲對轉惟冬部與侵部同對轉緝盍近於侵談月近灰諄質近脂真然皆非其入聲有時亦得相轉此四部爲奇觚韵今世方音流轉亦依是爲準則脂灰昔本合爲一部今驗自回雷夔等聲與脂部鴻纖有異三百篇韵亦有分別別有辨說不服悉錄或依舊義通言脂微齊皆灰或以脂部稱灰或云脂諄相轉不悉改也

紐目

喉音

牙音 舌音

齒音 唇音

見

曉

端知

照精幫非

豁

匣

透徹

穿清滂敷

羣

影 定 泥

牀 從 並 奉

疑

泥 疑 日

審 心 明 微

來

禪 邪

右二十一紐古音凡目凡同紐者爲雙聲音和凡同音者

謂同喉

音牙音等

爲雙聲旁紐又牙喉古相通轉今亦不殊舌頭端透定泥

錢大昕說古以知徹澄娘分隸故古無舌上音齒音亦與舌頭

音通今從其義重唇幫滂並明唐韻猶與輕唇非敷奉微相合

慧琳新收一切藏經音義始更師說景審序之抨彈古紐謂武

與縣爲雙聲斯類蓋所不取不悟舊音閑弇晚更發舒古祇重

脣無輕脣也精清從心邪本是照穿牀審禪之副音當時不解

分等析爲正齒齒頭二音若爾來之與良見之與貫亦可分爲

數紐彼既提成此何煩碎古今音既非大異故亦如律分配娘紐本非舌上作字母者馮臆隸屬尋檢古音娘日皆歸泥紐今悉部署不令離局今音三十六紐不能所在賅備稽合方言數或增益明其通轉則凡二十一紐而已中原疑或近喻江左匣喻相捐日紐大半爲泥泥紐又與娘合大河南北去聲羣皆作見定皆作端湖南諸郡去聲見皆作羣端皆作定舌上之知徹澄江南揚粵與照穿牀不殊齒頭之精清從心邪九州舊服與照穿牀審禪相迤此皆合符持軌不越音例若乃音無爲胡以支爲稽輕唇入牙與重唇相失齒音歸喉與舌頭異撰此爲音誤不得云流變也字母三十六紐始自唐末五季之閒舊無所稟今若一切撥除即又無所準則顧氏音學五書以還學者浸

薄等韵江洪諸子復泰尊守然則悉信亦非不信亦非錢大昕
者可謂得其中流矣戴震者可謂會其玄極矣何秋濤等蓋無
幾焉

後序一

五方水土有剛柔燥溼之異宜地勢不同故其語言區別管子淮南既宣之矣竊疑草昧初闢文字未繇一字僅標以一義一物僅表以一名然方言既襍殊語日滋或義同而言異或言一而音殊乃各本方言增益新名或擇佗字以爲代由是一字數義一物數名彼此互訓是日轉注兩字轉注匪惟義符抑且音近有雙聲疊韻以通其閤焉如考老爲疊韻孟勉爲雙聲蓋古本一字音既轉而形亦更則一義不一字有其音轉而形不變者則一字不一音一義數字是爲字各異形一字數音是爲言各異聲然皆方言不同之所致也故雅南之樂析於周詩夏楚之言區於荀氏而風雅之章被之絃管亦同字異叶以通其變非惟齊楚之

音見於公羊離騷而已昔周秦輶軒方行禹甸采覽異言以爲
奏籍爾雅釋言蓋本於斯爰訖西漢子雲好深湛之思掇先代
之遺言驗殊方之絕語沈志構綴乃成方言語一而字殊物同
而名別然字形雖岐字音匪遠子雲以降載逾千百語言遷變
罔可詰窮惟僻壤遐陬之閒田夫野老宥於鄉音而語不失方
轉與雅記故書相合或其音稍稍異古亦與古音爲雙聲雖韵
部變遷而不逾其大劑可以得其會通者往往而有通都大邑
類此者亦衆焉光漢自幼治小學竊有志於此以爲淮南之言
雖稍岐出然皆有所承受如事逾其期謂之愒而翫愒之訓載
於左傳身傾於前謂之磬而磬折之義著於禮經觸類引伸庶
幾古義益顯壯游四方獲從賢豪長者游通言別語日聞於耳

聽習既久知古語可以證今言而今言亦可通古語如鞠窮雙
聲漢法以辭凌罪爲鞠今法以辭定獄爲供稍轉爲供猶之鞠
轉爲窮殺鐫互訓古稱以兵斬人爲鐫今秦晉閒亦以斬人爲
湏殺名爲湏猶之殺名爲鐫此今言因古語而明者也吳人以
格音爲語端格句一聲之轉故吳曰句吳越人用阿音爲發聲
阿於古音相近自漢以前中原皆無麻部於讀爲烏以之代阿故越曰於越淮泗之閒
列湏音於語末婁湏疊韵故邾曰邾婁今北方語無論名辭動辭其下皆繫以兒音兒
婁本異紐而今相近則邾婁之語偏行矣此古語因今言而通者也綜斯二例亦擬
略有撰述梗槩粗具未遑編錄及旅東京餘杭章太炎適有新
方言之作方俗異語撫拾略備復以今音證古音參伍考驗經
之對轉迤轉緯之正紐旁紐以窮聲轉之原讀斯書者非徒可

以詮故訓達神旨艸次應對名實相應亦無憂閒介矣夫言以足志音以審言音明則言通言通則志達異日統一民言以縣羣衆其將有取於斯抑自東晉以還胡羯氏羌入宅中夏河淮南北閒襍夷音重以蒙古建州之亂風俗積替虜語橫行而委巷之談婦孺之語轉能保故言而不失此則夏聲之僅存者昔歐洲希意諸國受制非種故老遺民保持舊語而思古之念沛然以生光復之勳蘊滯於此今諸華夷禍與希意同欲革夷言而從夏聲又必以此書爲嚆矢此則太炎之志也儀徵鍾光漢序

後序二

夫別國之語其繁而化聲之情多變變不可以致一故陶鈞以定之繁不足以合契故形名以察之然則正名之職掌在外史聽音之事屬諸神瞽蓋先民之所勸乎自子雲既沒方言失紀在昔遺語莫能或通兼文學日蹙代趣淺露雖載籍所傳常文所恃百物之本名羣言之達詁尚猶迷失根株取捨乖正冀其摛繹異言傳之古訓滋益難矣其閒頗有蒐集故書依擬楊氏或襍采書諺取足通俗咸凌亂失次噴而不亞未足以擅聲音之奧窺訓詁之原惟餘杭章先生生千載之季直諸夏之微息肩東夷弘此絕業博諏代語曲明聲類令古文隱誼悉得符驗於茲間巷猥此文士不道之言本之皆合於說文爾雅已陳之

語絕而復蘇難論之詞視而可識將以同古今之臭味濟文辭
之衰變正書名之謬誤成天下之臺臺雖日不暇給慮有遺賸
初始之業規摹已闕所謂知化窮冥無得而稱者也方今中國
雖衰學術未泯宜有好古審音之士紹隆斯績黨令殊語皆明
聲氣無閤鄉曲相鄙之見由之以息文言一致之真庶幾可觀
芳澤所被於是遠矣侃也愚昧嘗用談聞獻諸有道蓋以大海
蕩蕩不擇細流不賢識小所以參左筆削篇表既定承命敘錄
略陳所懷仰贊微悃云爾弟子蘄州黃侃序